

LIBROS



MAPA ECOSOCIAL DE GALICIA

Textos: Rebeca Fernández Hermo e Xosé Veiras García
 Editora Catro Ventos
 Galego (96 páx.), 2019
 ISBN: 978-84-949154-2-0

O obxectivo desta obra é trazar un mapa ecosocial da nosa terra. Fai unha fotografía actual, para coñecer o contexto e determinar cales son os eidos nos que debemos avanzar para conseguir unha sociedade máis xusta, equitativa e respectuosa co medio.

A obra permítenos retratar as dúas crises que debemos afrontar como sociedade: a crise ecolóxica (o cambio climático, a crise da biodiversidade, o esgotamento dos recursos enerxéticos, os incendios forestais etc.) e a crise social (de desigualdade, de coidados, de calidade de vida, etc.). Cada capítulo vén ademais con infografías e cun cadro de boas prácticas que recolle proxectos e iniciativas que xa están a traballar nas posibles solucións.



VITAMINA N. GUÍA ESENCIAL PARA UNHA VIDA RICA EN NATUREZA

Richard Louv (texto); Carlos Acevedo (traduc.) e Adrià Fuitós (ilust.).
 Kalandraka
 Galego e castelán (320 páx.), 2019
 ISBN: 978-84-16721-50-4

Unha guía de propostas creativas, divertidas e para todas as idades, animándonos a interactuar co mundo natural, que tantos beneficios físicos, intelectuais e emocionais proporciona: desde un paseo polo bosque até mirar as estrelas.

BANDA DESEÑADA



EL INCREIBLE VIAJE DE ALEXANDER VON HUMBOLDT AL CORAZON DE LA NATURALEZA

Andrea Wulf e Lilian Melcher
 Radom Comics
 Español (288 páx.), 2019
 ISBN: 978-84-1724-741-6

A vida e aventuras de Alexander von Humboldt, heroe da Ciencia e pai da Ecoloxía, levada á banda deseñada. Un fermoso libro ilustrado que recolle a historia da súa viaxe ao corazón da natureza. Alexander Humboldt foi un intrépido explorador e o científico máis famoso da súa época. A súa vida estivo chea de aventuras e descubrimentos: escalou os volcáns máis altos do mundo, remou polo Orinoco e percorreu unha Siberia infestada de ántrax.

Capaz de percibir a natureza como unha forza global interconectada, Humboldt descubriu semellantes entre distintas zonas climáticas de todo o mundo, e prediú o perigo dun cambio climático provocado polo ser humano.



PUF! VAIA PEIDO... SERES SORPRENDENTES CON NOMES BEN OCORRENTES

Luisa Martínez Lorenzo
 Editorial Galaxia
 Galego (76 páx.), 2018
 ISBN: 978-84-9151-270-7

Neste libro atoparás unha mancha de nomes populares, trampulleiros e divertidos. Úsanse para chamar a algúns dos seres vivos que atopamos na nosa contorna, pero tamén nos fan pensar noutras cousas ben diferentes e, case sempre, disparatadas. Ademais, sorprenderase coñecendo o xeito de vida dos animais, plantas e fungos aos que se refiren.

MATERIAIS DIVULGATIVOS

www.cemma.org

A Coordinadora para o Estudo dos Mamíferos Mariños (CEMMA) vén de editar novos materiais divulgativos orientados a escolares para concienciarlos sobre o perigo de desaparición dun dos cetáceos en peor situación de conservación en toda a Península ibérica. A toniña (*Phocoena phocoena*) desapareceu xa do Mediterráneo e é moi escasa no Cantábrico e Golfo de Cádiz. Polo momento, o groso dos individuos mantense entre o centro da costa portuguesa e Fisterra.

A CEMMA está a desenvolver unha campaña a diferentes niveis para promover a súa conservación, por unha banda, reclamando das administracións "a toma de medidas urxentes" e, por outra, "unha campaña de sensibilización social, necesaria para que se coñeza a especie e que se esixa a posta en marcha de labores rectificadoras que permitan a supervivencia da mesma".



COLABORA CON "RECURSOS" CERNA

Se queres que divulguemos nesta publicación algún libro, CD, revista, película, documental, etc., envía a referencia a ramses@adega.gal ou cerna@adega.gal, indicando "Recursos CERNA".